

978

Na osnovu člana 24. stav 1. tačka c) Ustava Tuzlanskog kantona („Službene novine Tuzlansko-podrinjskog kantona“, br. 7/97 i 3/99 i „Službene novine Tuzlanskog kantona“, br. 13/99, 10/00, 14/02, 6/04 i 10/04), na prijedlog Vlade Tuzlanskog kantona, Skupština Tuzlanskog kantona, na sjednici održanoj 23.12.2016. godine, d o n o s i

Z A K O N**O IZMJENAMA I DOPUNAMA
ZAKONA O UGOSTITELJSKOJ DJELATNOSTI****Član 1.**

U Zakonu o ugostiteljskoj djelatnosti („Službene novine Tuzlanskog kantona“, broj: 1/12) član 10., mijenja se i glasi:

„Član 10.

(Obaveze ugostitelja)

(1) U obavljanju ugostiteljske djelatnosti ugostitelj je obavezan:

a) vidno istaknuti propisanu oznaku vrste na ulazu u ugostiteljski objekat utvrđenu rješenjem nadležnog općinskog/gradskog organa i kategorije ugostiteljskog objekta utvrđenu rješenjem organa nadležnog za utvrđivanje kategorije ugostiteljskog objekta;

b) utvrditi kućni red u ugostiteljskom objektu za smještaj i istaknuti ga na recepciji, a izvod iz kućnog reda istaknuti u svim smještajnim jedinicama;

c) vidno istaknuti obavijest o radnom vremenu koja je u skladu sa propisanim radnim vremenom i pridržavati se istog;

d) utvrditi normative o utrošku namirnica za pojedino jelo, piće i napitak, pružati usluge u količinama i kvalitetu u skladu sa normativima te, na zahtjev, normative predočiti gostu;

e) vidno istaknuti cijene usluga koje se nude na način dostupan gostima i pridržavati se istaknutih i ovjerenih cijena, a kod pružanja usluga smještaja u cjenovnicima istaknuti i iznos boravišne takse, te cjenovnike, na prikladan način, shodno vrsti ugostiteljskog objekata, staviti na raspolaganje gostima;

f) koristiti ispravna mjerila na način kojim se osigurava potrebna tačnost mjerenja, u skladu sa važećim propisima i o ispravnosti mjerila osigurati validnu dokumentaciju;

g) za svaku pruženu ugostiteljsku uslugu izdati gostu fiskalni račun, definisan posebnim propisom;

h) sklopiti ugovor o radu sa zaposlenim licima u skladu sa posebnim propisom;

i) u ugostiteljskom objektu za smještaj osigurati goste od posljedica nesretnog slučaja;

j) voditi poslovne knjige u skladu sa važećim propisima, opće i druge akte i poslovnu dokumentaciju (ugovore i sl.) od značaja za obavljanje registrovane djelatnosti;

k) alkoholna i bezalkoholna pića usluživati samo iz originalne ambalaže u skladu sa normativom, na kojoj mora biti deklaracija sa podacima o proizvođaču, odnosno uvozniku, te neto količini;

l) u poslovnom prostoru - objektu u momentu kontrole osigurati odobrenje za rad, odnosno rješenje o upisu u sudski registar, kao i rješenje o razvrstavanju, minimalnim uslovima i kategorizaciji objekta.

(2) U obavljanju ugostiteljske djelatnosti ugostitelj je dužan primjenjivati poslovne običaje propisane posebnim uzansama u ugostiteljstvu.“

Član 2.

U članu 11. iza stava (1) dodaje se novi stav (2), koji glasi:

„(2) Ovjereni normativi i cjenovnik mogu se primjenjivati narednog dana od dana ovjere.“

Dosadašnji stav (2) postaje stav (3).

Član 3.

U članu 30. u stavu (1) riječi: „nadziranih davaoca ugostiteljskih usluga“ zamjenjuju se riječima „ugostitelja iz člana 3. ovog zakona“.

Stav (2) mijenja se i glasi:

„Inspekcijski nadzor nad provođenjem ovog zakona i propisa donesenih na osnovu ovog zakona, te pojedinačnih akata, uslova i načina rada ugostitelja koji pružaju ugostiteljske usluge u ugostiteljskim objektima koji nemaju obavezu da se kategoriziraju i objekata koji se na zahtjev ugostitelja mogu kategorizirati, pravnih i fizičkih lica koja nisu ugostitelji, a pod uslovima propisanim zakonom i propisima donesenim na osnovu zakona pružaju određene ugostiteljske usluge, osim Kantonalne uprave za inspekcijske poslove provodi i općinski/gradski organ uprave nadležan za inspekcijske poslove.“

Član 4.

Iza člana 30. dodaju se novi članovi 30a. i 30b., koji glase:

„Član 30a.

(Ovlaštenja inspektora)

U provođenju inspekcijskog nadzora nadležni inspektor Kantonalne uprave za inspekcijske poslove i općinskog/gradskog organa uprave nadležnog za inspekcijske poslove (u daljnjem tekstu: inspektor) ima ovlaštenje pregledati poslovne i druge prostorije i prostore u kojima se obavlja ugostiteljska djelatnost, poslovne knjige, ugovore, isprave i evidencije i drugu poslovnu dokumentaciju koja mu omogućava uvid u poslovanje ugostitelja koji pruža ugostiteljske usluge, te obavljati i druge radnje u skladu sa ciljem inspekcijskog nadzora.

Član 30b.

(Način provođenja inspekcijskog nadzora)

(1) Ugostitelji čije su prostorije i prostori, uređaji i oprema, odnosno predmeti rada i poslovanja podvrgnuti inspekcijskom nadzoru obavezni su omogućiti inspektorima nesmetano vršenje inspekcijskog nadzora.

(2) Ugostitelj je obavezan na zahtjev inspektora dostaviti podatke, obavijesti i materijale koji su mu potrebni za obavljanje poslova iz njegove nadležnosti u primjerenom roku koji on odredi.

(3) Inspekcijski pregled treba u isto vrijeme biti obavljen na takav način da ne ometa redovno obavljanje rada i poslovanje.“

Član 5.

U članu 31. u stavu (1) riječi “iz tačaka a) i b)” zamjenjuju se riječima “iz tačaka f) i g)”.

Član 6.

Iza člana 31. dodaju se novi članovi 31a., 31b. i 31c., koji glase:

„Član 31a.

(Zabrana rada)

(1) Rješenje o zabrani rada subjektu nadzora inspektor će donijeti ako se ugostiteljska djelatnost obavlja:

a) bez registracije ili mimo registracije,

b) bez rješenja kojim se odobrava obavljanje ugostiteljske djelatnosti izdatog od nadležnog organa,

c) bez rješenja nadležnog organa kojim se utvrđuje da prostor, uređaji i oprema za obavljanje ugostiteljske djelatnosti udovoljavaju propisanim uslovima za obavljanje te djelatnosti.

(2) Inspektor će rješenje iz stava (1) ovog člana donijeti bez odlaganja, nakon što utvrdi činjenice odlučne za donošenje rješenja.

(3) Žalba protiv rješenja iz stava (1) ovog člana ne odlaže izvršenje rješenja.

(4) Subjektu nadzora kojem je zabranjen rad inspektor može pečaćenjem ili na drugi pogodan način zatvoriti prostorije u kojima obavlja ugostiteljsku djelatnost.

(5) Subjektu nadzora kojem je zabranjen rad inspektor može privremeno oduzeti opremu, uređaje, sredstva za rad i prijevozna sredstva kojima obavlja nezakonitu djelatnost do konačne odluke.

(6) Inspektor je obavezan da, uz zahtjev za pokretanje prekršajnog postupka za učinjeni prekršaj odnosno uz prijavu za učinjeno krivično djelo, o privremenom oduzimanju predmeta odmah izvršiti nadležni organ kod kojeg pokreće postupak zbog učinjenog prekršaja ili krivičnog djela, zavisno od kvalifikacije djela učinjenog oduzetim predmetima.

(7) Inspekcijski organi u čijem se sastavu nalazi inspekcija osigurati će uslove za održavanje i čuvanje privremeno oduzetih predmeta.

(8) Troškovi prinudnog izvršenja kao i troškovi štete nastale prinudnim izvršenjem padaju na teret izvršenika-stranke.

(9) Inspektor je dužan da u roku pet dana od dana okončanja postupka koji je uslijedio nakon zabrane obavljanja djelatnosti obavijesti nadležni organ općine/ grada o ishodu postupka.

Član 31b.

(Prestanak ispunjavanja uslova)

(1) Ako su poslovni prostor, uređaji i oprema namijenjeni za obavljanje ugostiteljske djelatnosti prestali ispunjavati propisane uslove po izdatom odobrenju inspektor će, bez odlaganja a najkasnije u roku osam dana od dana obavljanog nadzora, donijeti rješenje kojim se to utvrđuje i u kojem će odrediti rok ugostitelju, koji ne može biti kraći od 30 dana, da otkloni utvrđene nedostatke.

(2) Ako se nedostaci iz stava (1) ovog člana ne otklone u određenom roku, inspektor će donijeti rješenje o zabrani obavljanja djelatnosti.

(3) Žalba protiv rješenja iz stavova (1) i (2) ovog člana ne odlaže izvršenje rješenja

(4) Ukoliko ugostitelj i poslije zabrane nastavi obavljati ugostiteljsku djelatnost, nakon što je rješenje o zabrani postalo izvršno, inspektor će donijeti zaključak o prinudnom izvršenju rješenja pečaćenjem objekta.

(5) Troškovi prinudnog izvršenja kao i troškovi štete nastale prinudnim izvršenjem padaju na teret izvršenika-stranke.

(6) Inspektor je dužan da u roku pet dana od dana okončanja postupka koji je uslijedio nakon zabrane obavljanja djelatnosti obavijesti nadležni organ općine/ grada o ishodu postupka.

Član 31c.

(Nenadležnost inspektora)

Ako inspektor prilikom vršenja inspekcijskog nadzora utvrdi nepravilnosti ili nepridržavanje propisa za čiji nadzor nije nadležan, obavijestit će nadležni organ uprave bez odlaganja, a najkasnije u roku osam dana."

Član 7.

U članu 34. stav (1) mijenja se i glasi:

„(1) Novčanom kaznom u iznosu od 1.000,00 KM do 10.000,00 KM kaznit će se za prekršaj pravno lice ako:

a) pruža usluge smještaja i prehrane licima koja nisu njegovi radnici, penzioneri, te članovi uže porodice radnika i penzionera (član 4. stav (1)),

b) pruža ugostiteljske usluge u objektu zatvorenog tipa bez rješenja nadležnog općinskog/gradskog organa (član 4. stav (2)).“

Član 8.

Iza člana 34. dodaje se novi član 34a., koji glasi:

„Član 34a.

(1) Novčanom kaznom u iznosu od 500,00 KM do 5.000,00 KM kaznit će se za prekršaj pravno lice ako:

a) vidno ne istakne propisanu oznaku vrste na ulazu u ugostiteljski objekt utvrđenu rješenjem nadležnog općinskog/gradskog organa i kategorije ugostiteljskog objekta utvrđene rješenjem organa nadležnog za utvrđivanje kategorije ugostiteljskog objekta (član 10. stav (1) tačka a)),

b) u ugostiteljskom objektu za smještaj ne utvrdi kućni red i ne istakne ga na recepciji, ili izvod iz kućnog reda ne istakne u svim smještajnim jedinicama (član 10. stav 1. tačka b)),

c) vidno ne istakne na ulazu u ugostiteljski objekt obavijest o radnom vremenu ili ako ta obavijest nije u skladu sa propisanim radnim vremenom, te se ne pridržava istog (član 10. stav (1) tačka c)),

d) ne utvrdi normative o utrošku namirnica, pića i napitaka za pojedine usluge prehrane, pića i napitaka ili ne pruži usluge u količinama i kvalitetu u skladu sa normativima ili na zahtjev gosta ne predoči mu normativ (član 10. stav (1) tačka d)),

e) vidno ne istakne cijene usluga koje nudi u ugostiteljskom objektu na način dostupan gostima, ili ako se ne pridržava istaknutih i ovjerenih cijena ili ako kod pružanja usluga smještaja u cjenovnicima ne istakne i iznos boravišne takse, te ako cjenovnici nisu dostupni gostima na prikladan način, shodno vrsti ugostiteljskog objekta (član 10. stav (1) tačka e)),

f) ne vodi poslovne knjige u skladu sa važećim propisima, opće i druge akte i poslovnu dokumentaciju (ugovore i sl.) od značaja za obavljanje registrovane djelatnosti (član 10. stav (1) tačka j)),

g) ne uslužuje alkoholna i bezalkoholna pića iz originalne ambalaže u skladu sa normativom, na kojoj mora biti deklaracija sa podacima o proizvođaču, odnosno uvozniku, te neto količini (član 10. stav (1) tačka k)),

h) u poslovnom prostoru - objektu u momentu kontrole ne osigura odobrenje za rad, odnosno rješenje o upisu u sudski registar, kao i rješenje o razvrstavanju, minimalnim uslovima i kategorizaciji objekta (član 10. stav (1) tačka l)),

i) ne postupi u skladu sa članom 30b. stav (2),

j) ne postupi po rješenju iz člana 31b. stav (1).

(2) Za prekršaje iz stava (1) ovog člana kaznit će se i odgovorno lice u pravnom licu novčanom kaznom u iznosu od 200,00 KM do 2.000,00 KM.

(3) Za prekršaje iz stava (1) ovog člana kaznit će se fizičko lice novčanom kaznom u iznosu od 150,00 KM do 1.500,00 KM.”

Član 9.

U članu 35. u stavu (1) u tački a) riječi „(član 10. tačka b))“ zamjenjuju se riječima „(član 10. stav (1) tačka g))“.

Član 10.

U članu 36. stav (1) mijenja se i glasi:

„(1) Novčanom kaznom u iznosu od 500,00 KM do 5.000,00 KM kaznit će se za prekršaj pravno lice ako:

a) ne koristi ispravna mjerila na način kojim se osigurava tačnost mjerenja u skladu sa važećim propisima i o tome ne posjeduje validnu dokumentaciju (član 10. stav (1) tačka f)),

b) u ugostiteljskom objektu za smještaj, gosti nisu osigurani od posljedica nesretnog slučaja (član 10. stav (1) tačka i)),

c) sa zaposlenim licima nije sklopilo ugovor o radu, u skladu sa posebnim propisom (član 10. stav (1) tačka h)),

d) redovno ne dostavlja zbirni mjesečni izvještaj o broju korisnika usluga smještaja, dužini boravka i druge podatke (član 13. stav (5)).“

Član 11.

Ovaj zakon stupa na snagu osmog dana od dana objavljivanja u „Službenim novinama Tuzlanskog kantona“.

Bosna i Hercegovina
- Federacija Bosne i Hercegovine -
TUZLANSKI KANTON
Skupština
Broj: 01-02-472-10/16
Tuzla, 23.12.2016. godine

PREDSJEDNIK
Skupštine Tuzlanskog
kantona,
Senad Alić, v.r.

979

Na osnovu člana 24. stav 1. tačka c) Ustava Tuzlanskog kantona („Službene novine Tuzlansko-podrinjskog kantona“, br. 7/97 i 3/99 i „Službene novine Tuzlanskog kantona“, br. 13/99, 10/00, 14/02, 6/04 i 10/04), na prijedlog Vlade Tuzlanskog kantona, Skupština Tuzlanskog kantona, na sjednici održanoj 23.12.2016. godine, **d o n o s i**

ZAKON

O IZMJENAMA I DOPUNAMA ZAKONA O ZAVODU ZDRAVSTVENOG OSIGURANJA TUZLANSKOG KANTONA

Član 1.

U Zakonu o Zavodu zdravstvenog osiguranja Tuzlanskog kantona („Službene novine Tuzlanskog kantona“, br. 14/99, 15/13 i 7/15) u članu 12. stav 3. mijenja se i glasi:

„Ukoliko Vlada Kantona utvrdi da je višak rashoda nad prihodima nastao iz objektivnih razloga i da se nije mogao podmiriti iz redovnih prihoda i rezerve Kantonalnog zavoda, pokrit će se iz budžeta Kantona u skladu sa raspoloživim sredstvima u budžetu Kantona.“

Iza stava 3. dodaju se novi stavovi 4. i 5., koji glase:

„Pod objektivnim razlozima iz stava 3. ovog člana, podrazumijevaju se okolnosti na koje Kantonalni zavod nije mogao uticati, a nastale su usljed stanja prirodne nesreće i/ili elementarne nepogode proglašene od strane nadležnih organa u skladu sa zakonom.

Skupština Kantona ovlašćuje Kantonalni zavod i Vladu Kantona za zaključivanje pismenih sporazuma o otpustu obaveza i/ili potraživanja, izuzev obaveza i potraživanja nastalih po osnovu doprinosa za zdravstveno osiguranje.“

Član 2.

Ovaj zakon stupa na snagu danom objavljivanja u „Službenim novinama Tuzlanskog kantona“.

Bosna i Hercegovina
- Federacija Bosne i Hercegovine -
TUZLANSKI KANTON
Skupština
Broj: 01-02-558-4/16
Tuzla, 23.12.2016. godine

PREDSJEDNIK
Skupštine Tuzlanskog
kantona,
Senad Alić, v.r.

980

Na osnovu člana 24. stav 1. tačka c) Ustava Tuzlanskog kantona („Službene novine Tuzlansko-podrinjskog kantona“, br. 7/97 i 3/99 i „Službene novine Tuzlanskog kantona“, br. 13/99, 10/00, 14/02, 6/04 i 10/04), na prijedlog Vlade Tuzlanskog kantona, Skupština Tuzlanskog kantona, na sjednici održanoj 23.12.2016. godine, **d o n o s i**

ZAKON

O IZMJENI ZAKONA O TURISTIČKIM ZAJEDNICAMA

Član 1.

U Zakonu o turističkim zajednicama („Službene novine Tuzlanskog kantona“, broj: 11/15) u članu 59. u stavu (3) riječi „koje pruža usluge smještaja“ zamjenjuju se riječima „obveznik plaćanja članskog doprinosa“.

Član 2.

Ovaj zakon stupa na snagu osmog dana od dana objavljivanja u „Službenim novinama Tuzlanskog kantona“.

Bosna i Hercegovina
- Federacija Bosne i Hercegovine -
TUZLANSKI KANTON
Skupština
Broj: 01-02-559-4/16
Tuzla, 23.12.2016. godine

PREDSJEDNIK
Skupštine Tuzlanskog
kantona,
Senad Alić, v.r.

981

Na osnovu člana 24. stav 1. tačka c) Ustava Tuzlanskog kantona („Službene novine Tuzlansko-podrinjskog kantona“, br. 7/97 i 3/99 i „Službene novine Tuzlanskog kantona“, br. 13/99, 10/00, 14/02, 6/04 i 10/04), na prijedlog Vlade Tuzlanskog kantona, Skupština Tuzlanskog kantona, na sjednici održanoj 23.12.2016. godine, **d o n o s i**

ZAKON

O IZMJENAMA ZAKONA O POLICIJSKIM SLUŽBENICIMA TUZLANSKOG KANTONA

Član 1.

U Zakonu o policijskim službenicima Tuzlanskog kantona („Službene novine Tuzlanskog kantona“, br. 6/06, 11/07 i 16/11), u članu 38. u stavu (2) riječ „ostavku“ zamjenjuje se riječju „otkaz“.

Član 2.

Član 38a. briše se.

Član 3.

Član 59. briše se.

Član 4.

Član 61. briše se.

Član 5.

U članu 114. stav (2) mijenja se i glasi:
„(2) Izuzetno od stava (1) ovog člana, policijski službenik, na prijedlog rukovodioca organizacione jedinice čiji je pripadnik ili rukovodioca Jedinice za profesionalne standarde, može odmah biti privremeno suspendovan sa zadatka i dužnosti koje obavlja ili suspendovan iz policijskog organa ako postoje osnovi sumnje da je učinio